



Broj: 06-1-07-1-37/19
Sarajevo, 31.01.2019. godine

Na osnovu člana 2.9 stav (1) tačka 9, a u vezi sa članom 10.15 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), te člana 21. stav (3) tačka c) i člana 34. Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18) Centralna izborna komisija Bosne i Hercegovine je na 11. sjednici, održanoj 31.01.2019. godine, donijela

ODLUKU

o utvrđivanju rezultata posrednih izbora i dodjeli mandata delegatima u Domu naroda Parlamenta Federacije Bosne i Hercegovine iz Posavskog kantona

(1) Centralna izborna komisija Bosne i Hercegovine utvrđuje rezultate posrednih izbora za Dom naroda Parlamenta Federacije Bosne i Hercegovine iz Posavskog kantona, kako slijedi:

a) Kandidatske liste iz reda bošnjačkog naroda:

1. Kandidatska lista predlagača Memišević Mehmeda dobila je **2 glasa – nije osvojila mandat,**
2. Kandidatska lista predlagača Osmanović Anesa dobila je **0 glasova – nije osvojila mandat,**
3. Kandidatska lista predlagača Hamidović Damira dobila je **0 glasova – nije osvojila mandat,**
4. Kandidatska lista predlagača Ahmetović Senada dobila je **3 glasa - 1 mandat,**
5. Kandidatska lista predlagača Puzić Muje dobila je **0 glasova – nije osvojila mandat.**

b) Kandidatske liste iz reda hrvatskog naroda:

1. Kandidacijska lista predlagatelja Oršolić Jose dobila je **5 glasova – nije osvojila mandat,**
2. Kandidacijska lista predlagatelja Ilić Ilije dobila je **11 glasova - 1 mandat.**

(2) Centralna izborna komisija Bosne i Hercegovine dodjeljuje mandate u Domu naroda Parlamenta Federacije Bosne i Hercegovine iz Posavskog kantona delegatima:

- 1. Ahmetović Senad - Bošnjak**
- 2. Ilić Ilija – Hrvat**

O b r a z l o ž e n j e

Skupština Posavskog kantona dostavila je Centralnoj izbornoj komisiji Bosne i Hercegovine, dana 30.01.2019. godine, akt broj: 01-49-5-6/19 od 30.01.2019. godine, te u prilogu akta cjelokupan izborni materijal u vezi sa provedenim posrednim izborima za Dom naroda Parlamenta Federacije

Bosne i Hercegovine iz Posavskog kantona, i to: Skraćeni Zapisnik sa II sjednice Komisije za izbor i imenovanja, glasačke listiće i evidenciju nazočnih glasača.

Članom 10.10. Izbornog zakona BiH propisano je da kantonalna zakonodavna tijela biraju 58 delegata u Dom naroda Parlamenta Federacije BiH, 17 iz reda bošnjačkog, 17 iz reda srpskog, 17 iz reda hrvatskog naroda i sedam iz reda ostalih.

Za Dom naroda Parlamenta Federacije BiH iz Posavskog kantona, u skladu s članom 21. stav (3) tačka b) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18), bira se ukupno **tri (3)** delegata i to jedan (1) iz reda bošnjačkog naroda, jedan (1) iz reda hrvatskog naroda i jedan (1) iz reda srpskog.

Odredbama člana 10.14 Izbornog zakona BiH propisano je da svaki delegat u kantonalnoj skupštini daje jedan glas za listu na kojoj je njegov odgovarajući klub.

U skladu sa članom 10.15 Izbornog zakona BiH, nakon provedenog tajnog glasanja, izborni materijal i rezultati glasanja dostavljaju se Centralnoj izbornoj komisiji BiH za konačnu raspodjelu mjesta. Mandati se raspodjeljuju jedan po jedan po listama ili kandidatu sa najvišim količnicima koji su rezultirali iz formule za proporcionalnu raspodjelu utvrđenu u članu 9.5 Izbornog zakona BiH. Kada lista dobije mandat, mandat se raspoređuje s vrha liste.

Uvidom u dostavljeni materijal o provedenim posrednim izborima za Dom naroda Parlamenta FBiH, utvrđeni su sljedeći rezultati:

Kandidatske liste iz reda bošnjačkog naroda:

1. Kandidatska lista predlagača Memišević Mehmeda dobila je **2 glasa**,
2. Kandidatska lista predlagača Osmanović Anesa dobila je **0 glasova**,
3. Kandidatska lista predlagača Hamidović Damira dobila je **0 glasova**,
4. Kandidatska lista predlagača Ahmetović Senada dobila je **3 glasa**,
5. Kandidatska lista predlagača Puzić Muje dobila je **0 glasova**.

Kandidatske liste iz reda hrvatskog naroda:

1. Kandidacijska lista predlagatelja Oršolić Jose dobila je **5 glasova**,
2. Kandidacijska lista predlagatelja Ilić Ilije dobila je **11 glasova**.

Imajući u vidu da su ispunjeni svi zakonski uslovi za utvrđivanje rezultata izbora za delegate u Domu naroda Parlamenta Federacije Bosne i Hercegovine iz Skupštine Posavskog kantona, Centralna izborna komisija Bosne i Hercegovine je, u skladu sa članom 2.9 stav (1) tačka 9, a u vezi sa članom 10.15 Izbornog zakona Bosne i Hercegovine, odlučila kao u dispozitivu ove odluke.

Pravna pouka: Protiv ove odluke, u skladu sa članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

Zamjenjuje predsjednika

Stjepan Mikić, član

Dostaviti:

1. Skupština Posavskog kantona,
2. a/a.